



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY

OSHP: 2024/0418
Data e Vendimit: 17.05.2024

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik OE “Extreme Clean” SH.P.K. kundër njoftimit të kontratës ose me dokumentet e tenderit lidhur me aktivitetin e prokurimit “Pastrimi i objekteve shëndetësore të KPSH” me numër të prokurimit 616-24-3815-2-1-1, iniciuar nga autoriteti kontraktues (AK) – Komuna e Prishtinës , zv. Kryesuesi i Organit Shqyrtues të Prokurimit z. Agim Sheqiri me datën: 17.05.2024, mori këtë:

VENDIM

I. Hedhet si e palejuar, ankesa e “Extreme Clean” SH.P.K. me nr. të protokollit 2024/0418, e datës 13/05/2024, ankesë kjo e parashtruar për aktivitetin e prokurimit “Pastrimi i objekteve shëndetësore të KPSH”, me numër të prokurimit 616-24-3815-2-1-1, inicuar nga autoriteti kontraktues (AK) – Komuna e Prishtinës

II. I lejohe, autoritetit kontraktues – Komuna e Prishtinës që të vazhdojë më tutje me aktivitetin e prokurimit “Pastrimi i objekteve shëndetësore të KPSH” me numër të prokurimit 616-24-3815-2-1-1, përkritazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Arsyetim

-Faktet dhe rrethanat procedurale-

Në sistemin elektronik ankesa është paraqitur me datë 13.05.2024, lidhur me aktivitetin e

prokurimit me titull: “Pastrimi i objekteve shëndetësore të KPSH” me numër të prokurimit 616-24-3815-2-1-1, iniciuar nga Komuna e Prishtinës në cilësinë e Autoriteti Kontraktues.

Me 22.04.2024, “KK Prishtinë” në cilësinë e Autoritetit Kontraktues ka publikuar B05-Njoftimin për Kontratë, ku sipas këtij njoftimi Afati i fundit për pranim të tenderëve ka qenë data: 13.05.2024.

OE “Extreme Clean” SH.P.K. me datë 07.05.2024 ora 23:06 ka bërë kërkesë për rishqyrtim pranë AK-së, ndërsa me datë 13.05.2024 AK e ka refuzuar kërkesën për rishqyrtim si të jashtafatshme në bazë të nenit 60.1.

- Vlerësimi dhe administrimi i provave – Nga provat e prezantuara vërtetohet se për aktivitetin e prokurimit “Pastrimi i objekteve shëndetësore të KPSH” me numër të prokurimit 616-24-3815-2-1-1, iniciuar nga “Komuna e Prishtinës, njoftimi për kontratë është publikuar në sistemin e-prokurimi me datë 22.04.2024, afati i fundit për pranim të tenderëve ka qenë data 13.05.2024. Ndërsa me datë 07.05.2024 OE “Extreme Clean” SH.P.K. kishte bërë kërkesë për rishqyrtim pranë AK-së. Autoriteti Kontraktues me datën 13.05.2024 e ka refuzuar si të jashtafatshme kërkesën për rishqyrtim me arsyetimin se njoftimi për kontratë dhe dosjes e tenderit, hapja e ofertave është paracaktuar me datë 13.05.2024 në ora 14:00. Kjo nënkupton që data 13.05.2024 është dita zero (0) ndërsa data e fundit kur kanë mundur të parashtrihen kërkesa për rishqyrtim kundër njoftimit për kontratë dhe dosjes së tenderit ka qenë data 07.05.2024 deri në ora 16:00. Megjithatë kërkesa është parashtruar me datë 07.05.2024 në ora 23:06.

Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtrorë kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund të drejtohet me ankesë OSHP-së. Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzojë tek autoriteti përkatës kontraktues: “..në qoftë se shkëlja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0). Ky afat nuk aplikohet në rastet kur AK bën zgjatje të afatit të fundit për dorëzimin e ofertave pas vendimit për refuzim të kërkesës për rishqyrtim sipas nenit 63.1.1 të kësaj rregulloreje...”. Andaj nga provat e prezantuara dhe rrjedha e këtij aktiviteti të prokurimit konstatohet se ankesa e parashtruar në Organin Shqyrtues të Prokurimit me datë 13/05/2024 nga OE “Extreme Clean” SH.P.K. për aktivitetin e prokurimit me titull: “Pastrimi i objekteve shëndetësore të KPSH” me numër të prokurimit 616-24-3815-2-1-1, iniciuar nga Komuna e Prishtinës, hedhet e palejuar sepse e njëjta nuk është parashtruar në pajtim me nenin 108/A të LPP-së si dhe nenin 60 par.1 të Rregullores për Prokurim Publik. Po ashtu referuar interpretimit të KRPP-së të datës 07.11.2023, nr. 630/2023, i cili interpretim sqaron afatet ligjore për ankimim,

konstatohet se kjo ankesë hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues.

Megjithatë Organi Shqyrtues i Prokurimit sqaron se vetëm pas udhëheqjes së një procedure paraprake të rregullt dhe brenda afateve ligjore pranë AK, ankuesi mund ti drejtohet me ankesë OSHP-së. Si përfundim kjo ankesë është në kundërshtim me nenin 108/A, 109 dhe të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP. Megjithatë, OSHP gjithnjë nisat nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriteve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen vetëm në kriteret e nevojshme për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veprohet kofom dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP.

Autoritetit kontraktues – Komuna e Prishtinës mund të vazhdojë më tutje me aktivitetin e prokurimit “Pastrimi i objekteve shëndetësore të KPSH” me numër të prokurimit 616-24-3815-2-1-1, përkritazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Duke qenë se OE ankues me rastin e parashtrimit të ankesës ka paguar tarifë, e njëjta konform nenit 31, par 4 të Rregullores së Punës së OSHP-së, i kthehet OE ankues. I njëjti obligohet që kërkesën për kthim të mjeteve ta parashtrorë brenda gjashtëdhjetë (60) ditëve sipas nenit 31 par 6 të rregullores së cituar më lartë.

Zv.Kryesuesi i OSHP-së, duke u bazuar në atë që u tha si më lartë, vendosi si në dispozitave të këtij vendimi.

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

1x1 AK – Komuna e Prishtinës

1x1 OE - “Extreme Clean” SH.P.K. .

1x1 Arhivës së OSHP-së;

Agim Sheqiri
Zv. Kryesuesi i Sekretariatit të OSHP-së

